

**MINISTRU PLANEAMENTU NO INVESTIMENTU ESTRATÉJIKU IHA EZERSÍSIU**

**NO PREZIDENTE KONSELLU ADMINISTRATASAUN  
FUNDU INFRAESTRUTURAS IHA EZERSÍSIU**

**AGIO PEREIRA**



**LIA-FUAN MAKLOEK**

**SEMINÁRIU DARUAK KONA-BA ESTUDU VIABILIDADE:  
PROJETU SIRA FUNDU INFRAESTRUTURAS NIAN**

**AUDITÓRIU XANANA GUSMÃO  
MINISTÉRIU FINANSAS, AITARAK LARAN  
LORON 5 FULAN-MARSU TINAN 2020**

Bondia no benvindu ba ilustre oradór no partisipante sira hotu.

Benvindu ida ne'ebé espesiál tebes ba ita-nia konvidadu sira hotu husi JICA, ne'ebé mak apoia ona dezvoltimentu Matadalan ba Estudu Viabilidade hahú kedas iha tinan 2016 no mós ajuda ona atu organiza semináriu ida-ne'e. Obrigadu!

Governu estabesele ona Fundu Infraestruturas, iha tinan 2011, atu fó apoiu di'ak liután ba implementasaun Planu Dezvoltimentu Estratéjiku ba tinan 2011-2030 nian.

Hahú kedas iha tinan 2011, projetu hamutuk 1,600, husi programa estratéjiku 22, inklui iha portefóliu Fundu Infraestruturas nian. Husi projetu sira-ne'e, barak maka hotu ona no barak maka sei la'o hela.

Iha fulan-fevereiru tinan 2017, ezbosu husi Matadalan Estudu Viabilidade apresenta ona durante semináriu dahuluk. Iha tinan rua tuir fali, Sekretariadu Projetu Boot sira nian iha biban atu koko Matadalan iha projetu pilotu balun no, nune'e hadi'a no atualiza Matadalan ne'e, husi pontudevista prátiiku, hodi uza lisaun hirak ne'ebé aprende tiha ona.

Hanesan ita hotu hatene, dezvoltimentu no implementasaun infraestruturá sira presiza fundu substansiál sira no esforsu nasionál boot ida. Ita-nia orsamentu anuál besik porsentu 30 mak aloka atu harii no halo manutensaun ba infraestruturá estratéjika sira. Maibé, ita-nia rekursu finanseiru limitadu tebetebes, no Governu tenke hili projetu prioritáriu sira no halo planu ne'ebé adekuaudu, atubele garante katak prioridade sira nasaun nian atinje duni ho kualidade no tuir tempu no kustu ne'ebé razoavel.

Ho exesaun sira-ne'ebé la naran mosu, projetu infraestruturá sira dezeña ona nu'udar projetu sira ba prazu naruk no ninia kustu boot tebetebes. Tanba ne'e, etapa estudu viabilidade nian ne'e importante tebetebes no ninia objetivu mak atu garante katak projetu sira-ne'e kumpre duni padraun nasionál sira, liuliu:

- Atu hadi'a planifikasaun projetu sira nian no hamenus kustu;
- Atu hamenus risku sira durante implementasaun projetu sira; no
- Atu garante kualidade husi infraestruturá sira-ne'ebé harii.

Semináriu ne'e sei permite ita atu hatene di'ak liután prosesu planeamentu, atu hetan informasaun kona-ba rezultadu husi projetu pilotu sira no mós atu apresenta iniciativa foun sira, hodi uza intelijénsia artifisiál nu'udar ferramenta no dezvoltimentu baze-dadus.

Ha'u fiar katak durante sesaun sira-ne'e ita sei aprende lisaun balu no sei diskute pasu ba-oin nian ne'ebé presiza tebes hodi hadi'ak prosesu ne'e iha loron aban-bainrua nian.

Obrigadu barak ba imi-nia partisipasaun iha Semináriu ne'e no serbisu di'ak.